

Uunga siunnersuut Meeqqat tapersorneqartarnerat pillugu Inatsisartut inatsisaani inatsisip allangortinneqarnissaa pillugu inatsisissatut siunnersuut (Meeqqanut aamma ilaqutariit illuini ataatsimoorussamik digitalikkut sullissinermi isumaginninnermut Aqutsisoqarfimmiit ersarissaaneq il. il.)

*Meeqqanut, Inuusuttunut, Ilinniartitaanermut, Kultureqarnermut, Timersornermut
Ilageeqarnermullu Naalackersuisoq*

pillugu

Ilaqutariinnermut Peqqissutsimullu Ataatsimiititaliap

siunnersuutit aappassaaneerreqarnerannut

ISUMALIUTISSIISSUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Mala Høy Kuko, siulittaasoq
Inatsisartunut ilaasortaq Bjørk Lange Olsen, siulittaasup tullia
Inatsisartunut ilaasortaq Doris J Jensen
Inatsisartunut ilaasortaq Dines Mikaelson
Inatsisartunut ilaasortaq Mikivsuk Thomassen
Inatsisartunut ilaasortaq Eqaluk Høegh
Inatsisartunut ilaasortaq Knud Mathiassen

UKA2023-imi ulloq 27. septemberimi siullermeerinerup kingorna siunnersuut ataatsimiititaliap misissorpaa.

Siunnersuutip imarisaa siunertaalu

Inatsisissatut siunnersuut inuiaqatigiit ineriartornerannut meeqqanullu tapersersuineq pillugu Inatsisartut inatsisaanni maanna atuuttumi misilittagarineqartunut naleqqussaasoqarnissaa siunertarineqarpoq. Siunnersuut oqaatsitigut iluarsiiisutunik imaqarpoq, danskisuaa kalaallisuaalu aammalu innersuussutit iluarsineqartut naapertuuttunngorniassammata. Siunnersuutigineqartoq Isumaginninnermut Aqutsisoqarfimmut oqilisaataassaaq, ulloq unnuarlu angerlarsimaffinnut imminnut pigisunut ingerlatsinermut isumaqatigiissut pillugu piunasaqaataasoq peerneqartussaammat kommunillu sullissinermi Isumaginninnermut Aqutsisoqarfiup ikiuisarnera ersarissarneqassalluni.

Siunnersuut Meeqqanut aamma Ilaqutariinnut Sullissiviinik pilersitsinissamut aammalu tamatumunnga sukumiinerusumik nalunaarusiornissamut tunngaviliissaaq. Tamatuma saniatigut siunnersuut Inatsisartut inatsisaata ilaanut tulluussarneqassaaq, taamaaliornikkut kommunit nakkutilliisussaatitaanerat Meeqqanut aamma Ilaqutariinnut Sullissiviit ilanngunneqarnissaannut naleqqussarneqassaaq aammalu kommunit tapersiissutitut innuttaasut Meeqqanut aamma Ilaqutariinnut Sullissivinni katsorsartinnissaannut innersuussisinnaangorlugit.

Meeqqanut angerlarsimaffiup avataanut inissinneqartartunut sulianut tamarnut meqqat illersuisoqarsinnaatitaanerannik atuutilersitsinissamut siunnersuutigineqartoq meqqat pisinnaatitaaffiinik pitsaanerulersitsissaaq. Tamatuma saniatigut meeqqanut eqqartuussinerup aalajangiineratigut imaluunniit eqqartuussiviup tamatumunnga aalajangerneqarneratigut paaqqinniffinnut inissinneqarsimasunut pisinnaatitaaffiit qulakkeerneqassapput, taamaalilluni meeqqanut pineqartunut angajoqqaajusut tikeraarsinnaalissapput taamaalillunilu meeqqat angajoqqaaminnut attaveqarnerat attatiinnarneqarsinnaaqqullugu.

Meeqqat ulloq unnuarlu angerlarsimaffinnut inissaminnik utaqqisut inissinneqarfigigallagassaannik pissarsiornermi kommunalbestyrelsip pisussaaffeqarnera siunnersuummi erseqqissarneqarpoq.

Naggataatigut meeqqanut suliat suliarinerini IT-kkut aqqissuussamik ataatsimoorussamik kommunit atuilernissaannik pisussaaffimmik siunnersuut atuutilersitsissaaq.

Siunnersuutip inatsisartunit siullermeerneqarnera

Siunnersuut Inatsisartunit tapersorsorluarneqarpoq. Nunatta karsianit akissaqartinneqannginnera tunngavilersuutigalugu partiip ataatsip siunnersuut itigartinneqassasoq inassutigaa.

Meeqqanut tunngasuni sullissinerup, aningaasalersuinissaq aammalu ilaqutariit tamarmik akuutinneqartarnissaasa pingaaruteqarnera pillugu kommunit nukissaqarnersut pisinnaasaallu pillugit ernumassuteqartoqarluni Inatsisartuni oqallinneq ingerlanneqarpoq.

Inatsisissatut siunnersuutip suliarineqarnerani attuumassuteqartut tamarmik peqataatinneqarsimanginnerat erseqqissaassutigineqassaaq. Taamaattumik siunnersuutip misissorneqarnissaa qulakkeerumallugu immikkoortoq ataatsimiititaliami suliarineqartussanngorlugi innersuunneqarpoq.

Tamatuma saniatigut Avannaata Kommuniata tusarniaanermi akissutigisaani kommunit sullissineranni ikiorneqartarnissaannik ujartuisoqarnera erseqqissaatigineqassaaq. Taama ikiuisinnaanerup qulakkeerneqarnissaanut nassuiaammik ataatsimiititaliamut saqqummiussisoqarnissaa kissaatigineqarpoq.

Kiisalu siunnersuummut ilassutitut nunap immikkoortuini ilaqutariinnut coacherisoqartalernissaata qulakkeerneqarnissaanut periarfissap ataatsimiititaliami oqaluuserineqarnissaa immikkut kissaatigineqarpoq.

Tusarniaanermi akissutigineqartut

Tusarniaanermi akissutigineqartut inatsisissatut siunnersuummut kakkiunneqarput, tamanna Inatsisartut Siulittaasoqarfiata ilusiliinissamut piumasaqaataanut naapertuuppoq. Inatsisissatut siunnersuut soqutigisaqartunut attuumassuteqartunut tusarniaassutigalugu nassiunneqarpoq, piffissamilu 31. marsimiit 5. maj 2023-imut tamanut tusarniutigineqarluni. Tusarniaanerup ingerlasimaneranut ataatsimiititaliaq oqaaseqaatissaqanngilaq.

Siunersiuneq

Ataatsimiititaliap siunnersuummik suliaqarnerminut atatillugu Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq siunersiuinissamut/ ilisimatitsiffiusumik ataatsimiinnissamut aggersarpaa. Aggersaassutip assiliner aammalu Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisup oqaatigisaasa allattorsimaffiat isumaliutissiisummut matumunnga **ilanngussatut** ilanngunneqarput.

Siunersiunermit/ ilisimatitsiffiusumik ataatsimeeqatigiinnermi ilaatigut apeqqutit imm. 29-imut meeqqanut tapersersuineq pillugu Inatsisartut inatsisaata allanngortinneqarnissaa pillugu Inatsisartut inatsisaannut tunngasoq ataatsimiititaliap apeqqutigisaa qulaajarneqarpoq.

Ataatsimiititaliap siunnersuummik suliarinninnera

Inatsisissatut siunnersuut tamanut tusarniutigineqannginnerani inatsisissap piareersarneqarnerani soqutigisaqarlutik attuumassuteqartut peqataatinneqarsimannngitsut ataatsimiititaliamit maluginiarneqarpoq.

Soqutigisaqarlutik attuumassuteqartut peqataatinneqarnissaat Naalakkersuisunit pingaartinneqassasoq ataatsimiititaliamit sukkuunniit pingaartinneqarpoq, taamaalilluni inatsisissatut siunnersuut sapinggisamik pitsaanerpaamik tunngaveqarluni suliarineqarsinnaaniassammat. Meeqqanut aamma Ilaqutariinnut Sullissivinnik kiisalu Ilaqutariit Illuinik pilersitsinissaq pillugu allannguutissatut siunnersuummi aalajangersakkanut tunngatillugu kommunit akuutinneqarnissaat taama suliaqarnermi pissusissamisoorpoq. Pineqartuni pisariaqartinneqartunik sulisussarsiorneq nalornissutigineqartoq tusarniaanermi akissutigineqartut arlaaqartut oqaatigaat. Taamaattumik taama ingerlatsinnermi kommunit namminneq sulisussarsiorneqarnissaat tamatumunngalu aaqqiissuteqarnissaq orniginarneruvoq. Tusarniaanermi akissutigineqartut tunngavigalugit Meeqqanut aamma Ilaqutariinnut Sullissivinnik aamma Ilaqutariit Illuinik pilersitsinissamut piumasaqaatit Naalakkersuisunit sakkukillineqarsimasut ataatsimiititaliamit maluginiarneqarpoq, taamaalilluni illut qanoq angitigisut pilersinneqassasut pilersinneqarsinnaasullu kommunit namminneq

naliliinissaminut kiffaanngissuseqarnerulissallutik.

Meeqqap ulloq unnuarlu angerlarsimaffimi inissaminik utaqqisumut aaqqiissutaagallartussamik pissarsinissamut kommunalbestyrelsip pisussaaffeqarnera pillugu tusarniaanermi akissutigineqartuni ernumassutigineqarpoq. Siunnersuummut oqaaseqaatini allassimavoq kommunalbestyrelsip qanoq inissisimanissaanut aalajangersagaq erseqqissaataasoq taamaattumillu kommunit nutaamik akisussaaffilerneqanngitsut. Tamatumunnga ataatsimiititaliamit maluginiarneqarpoq inissiigallartarfiusunut taakkununnga najoqqutassiat pillugit nalornissuteqartoqartoq. Inissiigallartarfinnut najoqqutassat nalunaarummi sukumiinerusumik najoqqutassiuunneqarumaartut Naalakkersuisut ilisimatitsissutigaat. Ataatsimiititaliamit pingaartinneqarpoq inissinneqarallartunut nalunaarut tamakkiisumik najoqqutassiissasoq, taamaalilluni kommunalbestyrelsip suliassai piginnaatitaaffiilu ersarissumik allaaserineqassallutik, peqatigisaanik meeraq pitsaasumik isumannaatsumillu atugassaqartinneqarnissaa qulakkeerneqassalluni.

Siunnersuutip aningaasatigut kingunerisassai

Siunnersuutip piviusunngortinneqarnerani aningaasatigut kingunerisassai siunnersuummut nalinginnaasumik oqaaseqaammi allaaserineqarput. Ataatsimiititaliap tamatumunnga oqaaseqaatissaqanngilaq.

Ataatsimiititaliap inassuteqaatai

- Ataatsimiititaliap isumaqatigiittup siunnersuutip akuerineqarnissaa inassutigaa
- Naalakkersuisut kommuunit ikioqqullutik saaffiginnikkaangata qisuariartarnissaat ataatsimiititaliap isumaqatigiittup kaammattuutigaa

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Mala Høy Kúko
Siulittaasoq

Bjørk Lange Olsen
Siulittaasup tullia

Doris J. Jensen

Dines Mikaelen

Eqaluk Høegh

Mikivsuk Thomassen

Knud Mathiassen



Ilaqutariinnermut Peqqissutsimullu Ataatsimiititaliaq
Kukkuersuinnermut Ataatsimiititaliaq
Inatsisartut

19-10-2023
Suliap normua 2023 - 14630
Allakkap ilisarnaataa 23518954

Postboks 260
3900 Nuuk
Oqarasuaat (+299) 34 50 00
Nassitsigasuaat(+299) 34 66 66
E-mail: iian@nanoq.gl
www.naalakkersuisut.gl

**Ulloq 19. oktobari 2023 isumasioqatigiinnermi / ilisimatitsiffiusumik
ataatsimiinnermi akissutit**

Apeqquut 1 Ilanngussaq 1- kiliffik pillugu allakkiaraq januar 2023-imi qupperneq 2-mi allassimavoq:

"Suliniutini ataasiakkaani qanoq angusaqartigisoqarnersup ataatsimoortumik takuneqarnissaa siunertaralugu, suut amigaataanersut aamma suliniutip 2023-p naanerani unitsinneqarnerata kingorna tunngavissiiinissamut qanoq iliuuseqartoqarsinnaanersoq paasiniarlugu atuuttussanngortitsinissamik tunngavissiiinissamillu pilersaarusiorderit qitiutinneqarput".

Suliniutip naammassereernerani suliniuteqarfiit assigiinngitsut pillugit siumut isigisumik pilersaarutit pillugit paasissutissiiisoqarnissaa matumani ilanngullugu meeqqanut inuusuttunullu kommunit Namminersorlutillu Oqartussat akornanni suleqatigiinnerup ingerlaannarnissaanut aningaasatigullu kingunerisassat pillugit erseqqissaasoqarnissaa Naalakkersuisunut qinnutigineqarpoq.

Akissut: **Initiativ Siusissukkut iliuuseqarneq pillugu siunertaq 1, 2 aamma 3. Kontomi pingaarnermi 30.10.48-mi aningaasat immikkoortinneqarsimapput siusissukkullu iliuuseqarnermik sulinerup ingerlateqqinnissaa aningaasaliissutigineqarsimasut iluanni ingerlanneqarsinnaanissaa naatsorsuutigineqarpoq.**

Kajumissutsimik suliniuteqarneq pillugu siunertaq 4. Sulinerup ingerlateqqinnissaa, tamatumani nittartagaq [www.paarisa.gl/frivillighed ilanngullugu Isumaginninnermut Aqutsisogarfimmi /](http://www.paarisa.gl/frivillighed_ilanngullugu) Paarisami ilaalereerpoq. Tamatumunnga aningaasaliinerusoqaqqinnissaa naatsorsuutigineqanngilaq.

Sulianik suliqaarnermik suliniuteqarneq pillugu siunertaq 5-imut tunngatillugu apeqquutinut 2 c-mut aamma 4.5-imut akissutit innersuussutigineqarput.

Kommunini sulianik suliqaarnerup tapersorneqarnissaa pillugu siunertaq 6. Apeqqummut 4-mut akissuteqaat innersuussutigineqarpoq.

Meeqqat inuusuttullu pillugit isumaginninnikkut suliassaqaarfimmi piginnaanngorsaallunilu piginnaasanik ineriartortitsinissamut neqeroorutininik tamakkiisumik takunnissinnaalernissaaq pillugu siunertaq 7. Ilaatigut nittartagaliortoqassaaq, tassani pikkorissarnissat ilinniaqqinnissallu



neqeroorutigineqarsinnaassallutik. Isumaginninnermut Aqutsisoqarfiup nittartagaq aningaasaliissutigineqartut iluanni isumagaa.

Meeqqat inuusuttullu atugarliortut unnukkut unnuakkullu, pingaartumillu aningaasarsisimasoqartillugu sapaatit akunnerisa naaneranni toqqissisimanartumik sumiiffissaqartinniarlugit orniguttarfiit pillugit siunertaq 8. Meeqqanut orniguttarfiit pillugit misilittakkat kommunimiit kommunimut assigiinngitsorujussuupput. Kommunit nalinginnaasumik kissaatigaat, najukkaminni pissutsinut nalimmassarsimasumik inerisaasoqassasoq. Siunertaq 2023-mi naassaaq kommunillu siunissami qanoq pisoqarumaarnera namminneq aalajangissavaat.

Ilaqutariinnut sullissiviit meeqqanut, inuusuttunullu atugarliortunut ilaqaannullu suliniuteqarnerat pillugu siunertaq 9. Kommunit, ilaqutariinnut sullissiviit ilaqutariillu illuisa akornanni aqutsisut attaveqatigiiffiat pilersinneqarpoq workshopillu ingerlanneqarsimallutik. Kisianni aqutsisut attaveqatigiiffiata tapersorsorneqarnerata ingerlatiinnarnissaannut aningaasanik immikkoortitsisoqarsimanngilaq assersuutigalugu workshopinut. UKA 2023-mi inatsisissatut siunnersuummi oqaluuserisassaq 29-mi siunnersuutigineqarpoq ilaqutariinnut sullissiviit malittarisassiorneqassasut tamannalu meeqqanut ilaqutariinnullu sullissiviit pillugit nalunaarummi tunngaveqassasoq. Ilaqutariinnut sullissivinni ataasiakkaani suliatigut tunniussinnaasaannik takusassiorneqarpoq, sullissivinni piumasagaatit atukkallu itisilerneqarlutik.

Meeqqanik katsorsaasut angalasartut pillugit siunertaq 10. AIS2021-mi siunertap kommuninit ujjartorneqartorujussuusup inerisaqqinnissaanut aningaasanik qinnuteqartoqarpoq.

Inersimasunut, meeqqat inuusuttullu 18-it inorlugit ukiullit kinguaassiuutaasigut kannuguttaatsuliortartutut pissusilersortartunut, katsorsaavimmik pilersitsinissaq pillugu siunertaq 16. Katsorsaavik pilersinneqarpoq: Klinik Killiliisa atorneqarlunilu. Kontomi pingaarnermi 30.10.48-mi aningaasanik immikkoortitsisoqarsimavoq. Katsorsaavimmi suliaqarnerup saniatigut paasissutissiilluni 2024-2025 suliniuteqartoqarnissaa pilersaarutaavoq, ilaatigut nittartagaliorluni.

Apeqqut 2 Sumiginnakkanut isumaginninnikkut suliniutinut konto pingarneq 30.10.49 pillugu Kukkuersiunermit Ataatsimiititaliamit apeqqutit

Kalaallit Nunaanni meeqqanut inuusuttunullu sumiginnakkanut suliniutit nukittorsarneqarnissaat pillugu danskit naalagaaffiat Naalakkersuisullu suleqatigiinnissamut isumaqatigiissuteqartut ataatsimiititaliamit ilisimaneqarpoq, tassani ukiunut sisamanut 2019-imiit 2023-imut katillugit 100 mio. kr.-t aningaasaliisoqarsimalluni.

Danskit aningaasanut inatsisaanni siunertamut 80 mio. kr.-inik immikkoortitsisoqarpoq, Kalaallit Nunaata aningaasanut inatsisaanni 20 mio. kr.-inik immikkoortitsisoqarpoq. 2021-imi Kalaallit Nunaata aningaasanut inatsisaanni 3,5 mio. kr.-inik immikkut tapiissuteqartoqarnissaa akuersissutigineqarpoq.

Akissut: Erseqqissaatigineqarpoq Danmarkimi aningaasanut inatsimmi 2019-imi pingaarnertut Tasiilami suliniuteqarnissamut 5,3 mio. kr.-nik immikkoortitsisoqarsimammat. Kalaallit Nunaanni meeqqanut inuusuttunullu atugarliortunut 2020-2023 iliuuseqarnissamut Danmarkimi aningaasanut inatsimmi 2020-mi ukiunut sisamanut 80 mio. kr.-nik immikkoortitsisoqarpoq.

a)



Naalakkersuisut akissuteqaataanni allassimavoq naatsorsuutit pillugit nassuiaatinut ataatsimiititaliap apeqquaqqaatanut ulloq 27 juli 2023-imi tiguneqartumi katillugit 10,95 mio. kr.-t nunatsinnit akilerneqarsimasut.

Piffissami 2019-imiit 2022-imut naatsorsuutit pillugit nassuiaatit ataatsimiititaliamit misissorneqarput, tassani allassimavoq katillugit 8,176 mio. kr.-inik katillugit atuisoqarsimasoq, soorlu kisitsisini ataani allassimasuni takuneqarsinnaasoq. 2019-imiit 2022-imut Kalaallit Nunaata aningaasaliissutai qassit atorneqarsimanersut ersarissarneqarnissaat ataatsimiititaliap kissaatigaa.

Ukioq naatsorsuiffiusoq	Aningaasaliissutit	Ukiumut atuinerit	Nuussinerit
2019	20.000.000,00 kr.	- kr.	20.000.000,00 kr.
2020		2.179,00 kr.	17.821.000,00 kr.
2021	3.500.000,00 kr.	4.164,00 kr.	17.157.000,00 kr.
2022		1.833,00 kr.	15.324.000,00 kr.
Naatsorsuineq 2022		8.176,00 kr.	15.324.000,00 kr.

Akissut: Takussutissiami ataaniittumi 2019-2022 naatsorsuutit qanoq isikkoqarsimanersut takuneqarsinnaavoq.

Takussutissiaq 1: Kalaallit Nunaanni meeqqanut inuusuttunullu atugarliortunut pitsaannerusumik suliniuteqarnissaq pillugu kalaallit danskullu oqartussaasoqarfiisa assigiinngitsunik suliallit akornanni suleqatigiinnermut 2022-mut (mio. kr.) naatsorsuutit

	2019			2020			2021			2022			Katillugit 2019- 2022
	Missingersuut Kalaallit Nunaanniit aningaasaliissutit	Kalaallit Nunaanniit akiligassanik atuineq	Missingersuutit atuinerullu assigiinngissutaat	Missingersuut Kalaallit Nunaanniit aningaasaliissutit	Kalaallit Nunaanniit akiligassanik atuineq	Missingersuutit atuinerullu assigiinngissutaat	Missingersuut Kalaallit Nunaanniit aningaasaliissutit	Kalaallit Nunaanniit akiligassanik atuineq	Missingersuutit atuinerullu assigiinngissutaat	Missingersuut Kalaallit Nunaanniit aningaasaliissutit	Kalaallit Nunaanniit tapiissutini atuineq	Missingersuutit atuinerullu assigiinngissutaat	
Imm. nutaaq *	0	0	0	0	0	0	1,23	0,95	0,28	0,74	-	0,74	0,95
Sulin. 1	0	0	0	0	0	0	0,3	-0,02	0,32	0,43	-	0,43	-0,02
Sulin. 2	0	0	0	0	0	0	0	0,18	-0,18	0,30	-	0,30	0,18
Sulin. 3	0	0	0	0	0	0	0	0	0	0,35	-	0,35	-
Sulin. 4	0	0	0	0	0	0	0	0	0	0,24	-	0,24	-
Sulin. 5	0	0	0	0	1,33	-1,33	0,34	0,33	0,01	-	0,70	-0,70	2,36
Sulin. 6	0	0	0	0	0	0	0,96	0,48	0,48	0,95	0,12	0,83	0,60
Sulin. 7	0	0	0	0	0	0	0,23	0	0,23	0,10	-	0,10	-
Sulin. 8	0	0	0	0	0	0	1,26	0,12	1,14	0,42	0,48	-0,06	0,60
Sulin. 9	0	0	0	0	0,36	-0,36	0	0	0	0,10	-	0,10	0,36
Sulin. 10	0	0	0	0	0	0	1,55	2,45	-0,9	1,09	0,33	0,76	2,78
Sulin. 16	0	0	0	0	0	0	0,02	0	0,02	0,41	-	0,41	-
Sorpiaanera allassinngilaq	0	0	0	0	0,49	-0,49	0	-0,33	0,33	-	0,20	-0,20	0,36
Katillugit	0	0	0	0	2,18	-2,18	5,89	4,16	1,73	5,13	1,83	3,30	8,17

Missingersuutit Kalaallit Nunaanniit Danmarkimiillu aningaasaliissutit agguataarneqanngillat

2022 tikillugu aningaasat atorneqarsimasut 10,95 mio.kr. nalunaarutigineqarsimapput. Tamanna ajoraluartumik kukkuneqarpoq. Taamaallaat atorneqarsimapput 9,4 mio.kr. Kukkuq tamanna ajuusaarutigarpot. Aamma takuuk apeqquut b.

b)



Naatsorsuutit pillugit nassuiaatinut ulloq 12. oktober 2023-imi tiguneqartut ataatsimiititaliap malitseqartitsilluni apeqqutaanut Naalakkersuisut akissuteqaataanni kalaallit danskullu suliat akimorlugit suleqatigiinnerannut 2022-imut naatsorsuutit nassiuuneqarput. Naatsorsuutini nassiuuneqartuni allassimavoq ukiumut naatsorsuusiortiusumut 2022-imut katillugit 3,06 mio. kr.-t Kalaallit Nunaannit akiliutigineqarsimasut.

2022-imut Nunatta Karsiata naatsorsuutai pillugit nassuiaatini allassimavoq 1,833 mio. kr.-t atorineqarsimasut. Ukiumut naatsorsuiffiusumut 2022-imut Kalaallit Nunaannit akilerneqarlutik atorineqarsimasut qassiunersut Naalakkersuisut nassuiaatigissagaat ataatsimiititaliamit qinnutigineqassaaq.

Akissut: Ukiumi naatsorsuiffiusumi 2022-mi 1,83 mio. kr.-it nunatsinnit akilerneqarsimapput. Ukiumili naatsorsuiffimmi piviusumik atorineqarsimasut tassaapput 3,06 mio. kr.-it, tamanna kalaallit qallunaallu assigiinngitsunik suliaqartut suleqatigiinneranni aqutsisuiunut nalunaarutigineqarpoq. Kisitsisit assigiinnginnerinut pissutaanerusoq tassaavoq ukiup naanerani aqqissuussamut nutaamut ikaarsaariarsimanerput. 2022-mi aningaasartuutit ilai atorineqarsimasut aatsaat ukiumi naatsorsuiffiusumi 2023-mi naatsorsuutitut allanneqarsimaneri tamatuma kinguneraa. Kukkunersuiusumik isumaqatigiissuteqarnikkut tamanna periaaserineqarpoq.

Ukiumi naatsorsuiffiusumi 2022-mi aningaasartuutit naatsorsuutitut allanneqarsimasut ataani takuneqarsinnaapput.

Takussutissiaq 2: Kalaallit Nunaanni meeqqanut inuusuttunullu atugañiortunut pitsaaneruseqarpoq suliniuteqarnissaq pillugu kalaallit danskullu oqartussaasoqarfissa assigiinngitsunik suliallit akornanni suleqatigiinneq-mud 2022-mi (mio. kr. naatsorsuutit)

	Missing er suutit 2022 DKmlit aningaa sa liissutit	DK-milit akilgassanik atuineq	Missing ersuutit atuinerul lu assigiinngissuta at	Missinger suutit 2022 Kalaallit Nunaannii aningaasa liissutit	Kalaallit Nunaannit akilgassanik atuineq	Missingersuutit atuinerullu assigiinngissutaat	2022-mi missingersuutit atuinerullu assigiinngissutaanni nikingassutit pillugit nassuiaatit
Immikkoort ortaqarfik nutaa *	3,85	4,22	-0,37	0,74	0,00	0,74	Inissianut akissarsianullu aningaasartuutitut aningaasartuutit amerlisimaut
Suliniut 1	2,27	2,42	-0,15	0,43	0,00	0,43	
Suliniut 2	1,55	1,55	0,00	0,30	0,00	0,30	
Suliniut 3	1,82	2,26	-0,44	0,35	0,00	0,35	
Suliniut 4	1,27	1,83	-0,56	0,24	0,00	0,24	Suliniut 4 iitersuinermut videunik suliarinninnermut 300.000-inik uma issimavo.
Suliniut 5	0,00	0,00	0,00	0,00	0,70	-0,70	
Suliniut 6	4,99	3,71	1,28	0,95	0,12	0,83	Kommunit ilai 2022-mi atulersitsinissat 2023-mut kinguartippaat. Taamaattumik atuine annikinnerusimalluni.
Suliniut 7	0,53	0,51	0,02	0,10	0,00	0,10	
Suliniut 8	2,19	1,84	0,35	0,42	0,48	-0,06	Kommuni ataaseq aningaasallissutit qinnuteqarsimangilaq kommunilu alla missingersuutini tamakkiisumik atorsimani it.
Suliniut 9	0,53	0,58	-0,05	0,10	0,00	0,10	
Suliniut 10	5,72	5,98	-0,26	1,09	0,33	0,76	
Suliniut 16	2,12	1,94	0,18	0,41	0,00	0,41	Naggataani atorfik inuttaarussimavoq oqalutseqarnissamillu pisariaqattisisoqarsimanani, taamaattumik atuineq annikinnerusimalluni.
Sorpiane r allassiman n ila	0,00	0,00	0,00	0,00	0,20	-0,20	
Katillu it	26,84	26,84	0,00	5,13	1,83	3,30	

Kisitsisit piviusut 2022



Takussutissiaq 3: Kalaallit Nunaanni meeqqanut inuusuttunullu atugañiortunut pitsaernerusumik suliniuteqarnissaq pillugu kalaallit danskullu oqartussaasoqarfiisa assigiinngitsunik suliallit akornanni 2022-mi suleqatigiinnermi aningaasat piviusumik atukkat

	Missing er suutit 2022 DKmiit aningaasa liissutit	DK-miit akiligassanik atuineq	Missing ersuutit atuinerul lu assigiinngissuta at	Missinger suutit 2022 Kalaallit Nunaannii aningaasa liissutit	Kalaallit Nunaanniit akiligassanik atuineq	Missingers u utit atuinerullu assigiinngissutaat	2022-mi missingersuutit atuinerullu assigiinngissutaanni nikingassutit pillugit nassuaatit
Immikkoort ortaqarfik nutaa *	3,85	4,22	-0,37	0,74	0,63	0,11	Inissianut akissarsianullu aningaasartuutit aningaasartuutit amerlisima ut
Suliniut 1	2,27	2,42	-0,15	0,43	0,00	0,43	
Suliniut 2	1,55	1,55	0,00	0,30	0,30	0,00	
Suliniut 3	1,82	2,26	-0,44	0,35	0,00	0,35	
Suliniut 4	1,27	1,83	-0,56	0,24	0,00	0,24	Suliniut 4 iitersuinermut videunik suliarinninnermut 300.000-inik uma issimavo.
Suliniut 5	0,00	0,00	0,00	0,00	0,70	-0,70	
Suliniut 6	4,99	3,71	1,28	0,95	0,12	0,83	Kommunit ilai 2022-mi atulersitsinissat 2023-mut kinguartippaat. Taamaattumik atuine annikinnerusimalluni.
Suliniut 7	0,53	0,51	0,02	0,10	0,00	0,10	
Suliniut 8	2,19	1,84	0,35	0,42	0,48	-0,06	Kommuni ataaseq aningaasaliissutinik qinnuteqarsimangilaq kommunilu alla missingersuutini tamakkiisumik atorsimana it.
Suliniut 9	0,53	0,58	-0,05	0,10	0,07	0,03	
Suliniut 10	5,72	5,98	-0,26	1,09	0,76	0,33	
Suliniut 16	2,12	1,94	0,18	0,41	0,00	0,41	Naggataani atorfik inuttaarussimavoq oqalutseqarnissamillu pisariaqattisisoqarsimanani, taamaattumik atuineq annikinnerusimalluni.
Katillu it	26,84	26,84	0,00	5,13	3,06	2,07	

c)

Piffissap ingerlanerani Kalaallit Nunaannit aningaasaliissutinik naammattunik suli peqarnerata nalaani ilassutitut aningaasaliissutinik qinnuteqartoqarsimasoq ataatsimiititaliamit maluginiarneqarpoq. Tamanna sumik pissuteqarpa?

Akissut: Kalaallit danskullu oqartussaasoqarfiisa akornanni suleqatigiinnermi sulianik suliaqarnermik ikiuinerup (siunertaq 5) 2021-mi juunimi naasup ingerlateqqinneqarnissaanut ilassutitut aningaasaliisoqarnissaanik 2021-mi qinnuteqartoqarpoq. Siunertaq 5-imi siunertarineqarpoq kommunini meeqqat pillugit suliat uninngasut ikilisarneqarnissaat. Illassutitut aningaasaliissutit suliat uninngasut ikilisartuarnissaannut issiaqateqarlunilu suliatigut piginnaanngorsaanermut atorneqartussaasimapput.

Kalaallit danskullu oqartussaasoqarfiisa akornanni suleqatigiinneq piffissami 2020-2023 siunertanut ataasiakkaanut aningaasaliissutigineqartut missingersuusioreneqareerlutillu aalajangiiffigineqareersimammata erseqqissaatigineqassaaq. Siunertaq 5-imut aningaasaliissutit 2020-mit 2021-ip qiteqqunneranut missingersuusioreneqarlutillu aalajangiiffigineqarsimapput. Ataatsimiititaliamit kissaatigineqarpat tamanna pillugu annertunerusumik nassuaasiortoqarsinnaavoq.

d)

Naak Kalaallit Nunaata aningaasaliissutaat tamakkeqqajarnagit atorneqarsimagaluartut suliniummi naammaginarumik angusaqartoqarsimasoq Naalakkersuisunit nalilerneqarpa?

Akissut: Kalaallit danskullu oqartussaasoqarfiisa suleqatigiinnerat pillugu ukiup affakkaartumik killiffissiorluni nalunaarusiarineqartartut takutippaat, siunertat tamangajammik pilersaarutaasut malillugit siumut ingerlasimasut. Siunertat 16-it pillugit ataatsimoortumik inaarutaasumik nalunaarusiaq suliarineqaleruttoqarpoq.

Meeqqat pillugit sulianik suliaqarnermi kommunit suli qaangerniagassaqarnerat Naalakkersuisut eqqumaffigaat. Kalaallit Nunaannit aningaasaliissutit atorneqanngitsut kommunini meeqqat pillugit sulianik suliaqarnerinut qanoq atorneqarsinnaanersut maanna eqqarsaatersuutigineqarpoq.



e)

2023-ip naanerani isumaqatigiissut atorunnaarpat aningaasat atorneqanngitsut Nunatta Karsianut utertinneqarnissaat Naalakkersuisunit siunertarinqarpa?

Akissut: Meeqqat pillugit sulianik suliaqarnermik kommunini annertuumik qaangerniagassaqarnera pissutigalugu aningaasat atorneqanngitsut kommuninik tapersersuinerup ingerlateqqinnissaanut atorneqarnissaat Naalakkersuisut sulissutigaat. Apeqqut d)-mut qulaaniittumut akissut innersuussutigineqarpoq.

Apeqqut 3 Meeqqanut inuusuttunullu nuna tamakkerlugu ulloq unnuarlu angerlarsimaffinnut konto pingaarneq 30.10.37 pillugu Kukkunersiunermit Ataatsimiititaliap apeqquteqaatai

a)

Naatsorsuutit pillugit nassuiaatinut ataatsimiititaliap apeqquteqaataanut Naalakkersuisut akissuteqaataanut aallarniutigalugu ataatsimiititaliaq qujassuteqassaaq. Naalakkersuisut akissuteqaataat aallaavigalugit 2022-imut naatsorsuutininut sunniuteqartut akiliutit utertinneqarnerinut pissutaasoq sukumiinerusumik nassuiaatigineqarnissaat ataatsimiititaliamit kissaatigineqarpoq.

Akissut: Isumaginninnermut Aqutsisoqarfik Avannaata Kommunianit 2021-mi novembarimi saaffigineqarpoq, qaammammut akiliutit Excel arkimut immiussorsimasat Isumaginninnermut Aqutsisoqarfimmit utertillugit akilerneqartussaasut isumaqarlutik. Allattorsimaffimmi meeqqat Uummannami Meeqqat Angerlarsimaffianni Sarliamilu najugaqartut arlaqartut taaneqarsimapput. Avannaata Kommuniata misissorsimavaa, meeqqat sorliit efterskolernersut imaluunniit Aasianni GUX-imi atuarnersut, piffissamilu meeqqat ilinniarfimiissimaneranni Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 50-imi 31. aggusti 2021-meersoq naapertorlugu akissarsiat ikilineqassasut.

Isumaginninnermut Aqutsisoqarfiup suliata ataasiakkaarlugit misissorpai sulianilu tamani immikkut inatsisitigut naliliilluni. Kingorna Isumaginninnermut Aqutsisoqarfiup inatsisitigut naliliinerit ataasiakkaat tunngavigalugit aningaasat ilai utertillugit akilerpai. Katillugit 3.866.055,22 kr.-it utertillugit akilerneqarput.

b)

Pineqartumi aningaasartuutit qaffakkiartortut kommunit malugisimagaat peqatigisaanillu akigitinneqartut meeqqap ilinniagaqarnerata nalaani ulloq unnuarlu angerlarsimaffiit meeqqamut aningaasartuutaat pisariaqartinneqartunut naammangitsut ataatsimiititaliamit eqqumaffigineqarpoq. Namminersorlutik Oqartussat nalunaarutaanni nr. 50, 31. august 2021-meersumi §49 naapertorlugu Naalakkersuisut kommunalbestyrelsillu isumaqatigiinniareerneranni akiliutigineqartartoq aalajangersarneqarsimavoq. Atuivallaartoqarsinnaanerani atuinikippallaartoqarsimanerani luunniit ulloq unnuarlu siunissami akigitinneqartussanut ilanngunneqartalissapput. Ukiumoortumik akigitinneqartussanut isumaqatigiinniarnert aallaavigalugit ajornartorsiutinut taaneqartunut tunngatillugu aningaasaqarnikkut mianerisassat naleqquttumik isiginiarneqartutut Naalakkersuisunit nalilerneqarnerisut ataatsimiititaliamit paaserusunneqarpoq.

Akissut: Isumaginninnermut Aqutsisoqarfik isumaqarpoq, inatsimmi atuuttumi meeqqat ulloq unnuarlu paaqqinnittarfimmut inissinneqarsimasut ilinniarfimiittussanngortut aningaasaqarnikkut naammaginaratumik pingaartinneqarsimanngitsoq.



Ilinniartimmiittussanngornerup aningaasalersorneqarneranut malittarisassat Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 50-imi 31. agusti 2021-meersumi aalajangersarneqarsimavoq.

Nalunaarut aningaasalersuinissamut pingasunik periarfissiivoq:

1. Kommuni tamakkiisumik akiliisarnera ingerlaannassaaq. Imaappoq meeqqap inini piginnassavaa, meeraq qaqugukkulluunniit ulloq unnuarlu paaqqinnittarfirmut utersinnaassaaq (tamatumani ilanngullugit atuangiffeqarnermi sapaatillu akunnerisa naaneranni), taamaattoqartillugulu meeqqamukarsinnaasumik sulisoqarnikkut tapersersuisoqarluni.

2. Meeraq anissaaq aamma ulloq unnuarlu paaqqinniffik piareersimasuutinneqarnermut akissarsitinneqartassaaq nalunaarummi § 52, imm. 1 naapertorlugu. Meeqqap inini annaassavaa sapaatillu akunnerisa naaneranni atuangiffeqarnernilu ulloq unnuarlu paaqqinniffimmu utersinnaanani. Meeqqap atuangiffeqarnermi/sapaatit akunnerisa naaneranni ilinniarnullu naammassereerneranni sumiiffimmik ornitassaqarnissaa kommunip isumagissavaa.

3. Ulloq unnuarlu paaqqinnittarfik meeqqamut immikkut ittumik kiffartuussinissaa pillugu ulloq unnuarlu paaqqinnittarfik kommunilu isumaqatigiissuteqassapput nalunaarummi § 55 naapertorlugu.

Misilittakkat tunngavigalugit, tamatumani Uummannami Meeqqat Angerlarsimaffianni meeqqat pillugit suliat sisamat aalajangersimasut ilanngullugit, Isumaginninnermut Aqutsisoqarfik isumaqarpoq, inatsimmi atuuttumi meeqqat ulloq unnuarlu paaqqinnittarfirmi inissinneqarsimasut ilinniartimmiittussanngorpata aningaasaqarnikkut naammaginantumik pingaartinneqarsimangitsoq.

Nalunaarummi § 51, imm. 3 imannak paasineqarsimavoq, meeqqap efterskolernissaa allatulluunniit ilinniartimmiinnissaa pillugu kommunalbestyrelsi aalajangerpat kommunalbestyrelsi ingerlaannaq illuinnaasiortumillu ulloq unnuarlu paaqqinnittarfirmut aningaasaliisarneq tamakkiisumik akiliuteqarnermiit akissarsiat apparnissaannut allannortitsinissamik pisinnaatitaaffeqarluni. Aamma isumaqartoqarpoq, akissarsiat apparneqaraluartut meeqqap inini piginnassagaa kiisalu ulloq unnuarlu paaqqinnittarfirmiit sulisumit tapersersorneqaannassasoq atuariatunnginnermisut.

Akissarsiat isumaginninnermi ikiorsiissutit tunniunneqartartut atuuttut pillugit kaajallaasitaq 1. januaari 2023-meersoq naapertorlugu ullormut unnuamullu 184 kr.-uvoq. Akissarsiat taamaamat ulloq unnuarlu tamakkiisumik akiliuteqarnermit appasinnerujussuupput. Assersuutigalugu Uummannami Meeqqat Angerlarsimaffiannut ulloq unnuarlu ataaseq tamakkiisumik akiliut 2.591 kr.-uvoq.

184 kr.-mik akissarsiat meeqqap ilinniartimmiinnerani piareersimasuutinneqarnermut atatillugu ulloq unnuarlu paaqqinnittarfiup aningaasartuutaanik matussusiisarnerat akuttuvoq.

**Apeqput 4. Apeqqutit kingulliit Ilaqutariinnermut Peqqissutsimullu Ataatsimiititaliami
suliarineqartumut immikkoortoq 29-imut nalinginnaasumik oqaaseqaatinut
tunngassuteqarput:**

4.1.

Issuaaneq: "Sulisaatsimi paasinarsisimavoq ingerlatsineq pillugu isumaqatigiissuteqarneq akuerisaanissamut piunnaasaqaatinut atatillugu nammineerluni pingaaruteqanngitsoq. Taamaattumik Inatsisit allannortinnissaannut siunnersuutikkut matumuuna ingerlatsineq pillugu ulloq unnuarlu paaqqinniffiit Naalakkersuisullu akornanni isumaqatigiissuteqarnissamut piunnaasaqaat peerneqarpoq".

Qulaani allassiasup oqaasertaliorneqarnera tamatumalu allannortinneqarneranut tunuliaqutaasup Naalakkersuisumut itisileqquneqarput?



Akissut: Ulloq unnuarlu paaqqinnittarfinnut akuersissutinik tunniussinermut akuersissutinillu utertitsinerut piumasaqaatit amerlallutillu annertupput, taamaammallu ingerlatsinissamik isumaqatigiissutit pisariaqaratik. Ulloq unnuarlu paaqqinnittarfinnik pilersitsinerut ingerlatsinernullu nalunaarummi §§ 11-48 innersuussutigineqarput. Nalunaarummi taamaammat ingerlatsinissamik isumaqatigiissutit pillugit aalajangersagaqarunangilaq.

4.2.

Issuaaneq: "Meeqqat illui pilersaarutaapput 2022-2024-mi illoqarfinni pingasuni ukunani ingerlanneqartussat: Maniitsoq, Ilulissat aamma Tasiilaq. Pilersaarummit matumani misilittakkanik pissarsisoqareerpat meeqqanut ilaqutariinnullu sullissivinnut atatillugu illoqarfinni amerlanerusuni meeqqat illuinik pilersitsinissamut kommunit kissaateqarsinnaanerannut tunngavissiisnaavoq".

Meeqqat illuinik pilersinniarneqarnerinut tunuliaqutaasoq nassuiaqqullugu aammalu neqeroorutip suliarineqarnerani inatsisit tunngavigineqartut nassuiaqqullugit Naalakkersuisoq qinnuigineqarpoq?

Akissut: Danmarkimi 2022-mut aningaasanut inatsimmi nunatsinni illoqarfinni pingasuni ilaqutariinnut sullissivinnut atassuteqartillugit meeqqat illui pillugit suliniummik aallartitsinissamut aningaasaliisoqarpoq. Tamanna nunatsinnit Folketingimut ilaasortap suliniuteqarneratigut kommuninilu pineqartuni borgmesterit aamma Meeqqanut, Inuusuttunut Ilaqutariinnullu Naalakkersuisoq oqaloqatigereerlugit pivoq. Meeqqat illuisa siunertaraat meeqqanut innarlerneqarsimasunut, killisiuinissamut atugassaqartitsinissamut katsorsaaniissamillu periarfissiinissamut najukkami atugassaqartitsinissaq. Meeqqat illui pillugit suliniut "matu-ataaseq-tunngavigalugu" sapinngisamik suliassaqarfiit assigiinngitsut akornanni innarliisoqarsimatillugu paasisimasallit ilanngunneqartartut illumi katersuunneqarsinnaanerannik malinnippoq.

4.3

Issuaaneq: "Matumunnga meeqqanut ilaqutariinnullu sullissiviit najugaqarfinnut, meeqqat illuinut qimarnguinnullu nutaanut atassusiinissamut kommunit toqqagaqarpata taamatuttaaq aningaasaqarnikkut allaffissornikkullu matumani sunniuteqassaaq".

Kommunit aaqqiissut taanna toqqarneqassappat qanoq takorluuisoqarnerneq/ aningaasatigullu kingunerisassat saqqummersinnaasut pillugit Naalakkersuisumut nassuiaqquneqarput?

Akissut: Kommunit namminneq aningaasaatitik atorlugit ilaqutariinnut sullissivinnik, ilaqutariit illuinik najugaqarfinnillu assigiinngitsunik pilersitsillutillu ingerlatsereerput. Qimarnguinnut tunngatillugu qimarnguinnik ingerlatsinermut 50 %-it tikillugit taperneqarnissamut qinnuteqareertoqarsinnaavoq, kontomi pingaarnermi 30.14.29-mi aningaasaliissutit immikkoortinneqareersimallutik. Inerisaanissamik kommunit kissaateqarpata aningaasaqarnikkut allaffissornikkullu sunniutaasussat kommunit namminneq nammattussaavaat.

4.4

Issuaaneq: "Akissut: Tusaatissatut tiguneqarpoq. Inummik tapersersortissamik aamma angajoqqaatut oqartussaassusilinnut iliuusissanik pilersaarusiortoqarnissaanut aalajangersagaq inatsisissatut siunnersuummit peerneqarpoq. Iliuusissatut pilersaaruteqartoqarnissaanut piumasaqaat angerlarsimaffimmi isumassuinerneq avatangiisit pitsaanerulersinneqarnissaat anguniarlugu meeraq pillugu iliuusissamut pilersaarummi erserpoq. Piumasaqaat taanna allatut itisilerneqarumaarpoq".

Piumasaqaatip matuma qanoq itisilerneqarsinnaanersoq nassuiaqqullugu Naalakkersuisoq qinnuigineqarpoq?



Akissut: Meeqqanik tapersersuinnermut nalunaarummi § 7 aamma meeqqanut tapersersuinnermut inatsimmi oqartussaasunut ilitsersuut innersuussutigineqarpoq. Nalunaarut oqartussaasunullu ilitsersuut itisilerneqassapput, isumassuinnermi avatangiisinut suliniuteqarneq angajoqqaatullu akisussaassuseqartut ukkatarineqarnerulerpata.

4.5

Issuaaneq: "Akissut: Isumaginninnermut Aqutsisoqarfik massakkorpiaq kommunini suliassanut sulisunik atukkiussinissamut naammattunik sulisoqangilaq. Kommunit ikiorneqarnissaasa aaqqiiffiginissaat sulissutigineqarpoq".

Ikiorserneqarnissamik pisariaqartitsineq qanoq ikiorsiiffigineqassanersoq piviusunngortinneqarsimanersorlu nassuaatigeqqullugu Naalakkersuisoq qinnuigineqarpoq?

Akissut: Isumaginninnermut Aqutsisoqarfimmi kommunimi suliassanik isumaginninnissamut atukkiussinissamut massakut naammattunik sulisoqangilaq. Tamanna kommunini annertuumik najuuttariaqarnermik ilaatigut pissuteqarpoq.

Sulisunik atukkiinnermi Isumaginninnermut Aqutsisoqarfiup meeqqanik tapersiisarnermut, inunnik innarluutilinnik tapersiisarnermut aningaasaqarnermullu inatsisit malillugit pisussaaffinnik isumaginninnissamut sulisut ikinnerulissapput, Isumaginninnermullu Aqutsisoqarfik aamma nuna tamakkerlugu sulianik suliaqarnermut tapersersuinissaq siunertaralugu siunnersuinnermik, ilitsersuinnermik, aquttissiuussinnermik pikkorissaanerillu isumaginnittussaalluni.

Meeqqat pillugit suliart uninngasut ikilisarnissaannut aama meeqqat pillugit suliart sularinerannut digitalimik aaqqiissuteqalernissamut kalaallit danskillu oqartussaasoqarfiisa akornanni suleqatigiinnermi siunertanut 5-imut aamma 6-imut atatillugit, Isumaginninnermut Aqutsisoqarfik kommunit tamaasa tikissimavai ilaatigullu issiaqatiginnilluni ilinniartitsinnermik, siunersioqatigiinnermik suliartigullu piginnaanngorsaaneramik ikiuussimalluni.

Kisianni Isumaginninnermut Aqutsisoqarfik kommunimiikkunnaaraangat sularipassuarni suliart sularineqarnerat malitseqartinneqarneq ajornerat misilittagarineqarpoq. Isumaginninnermut Aqutsisoqarfiup ikiuunnerata sunniutaa taamaalilluni siunissaq eqqarsaatigalugu killeqarpoq.

Internetsikkut suliaqarneq aallartinneqarsimapput atorineqarnerujartorlutillu. Isumaginninnermut Aqutsisoqarfiup internetsikkut suliart annertunerujartortumik ingerlatsisoqarsinnaalernissaa ataavartumik sulissutigaa. Taamaalilluni Isumaginninnermut Aqutsisoqarfiup kommunini sulianik suliaqarnermik tapersersuinnera eqaannerulerpoq isumalluutinillu atuinannginnerulluni Isumaginninnermut Aqutsisoqarfimmi kommuninilu.

Isumaginninnermut Aqutsisoqarfik internetsikkut saqqummiinnermik aamma sulianik suliaqartut aqutsisullu internetsikkut attaveqatigiittarfiannik pilersitsinnermik misilittagaqalerpoq, suliniuteqarnerullu novembarimiit annertunerulernissaa pilersaarutigalugu. Kommunini sulianik suliaqartut internetsikkut issiaqatigalugit annertunerusumik ilinniartinneqarsinnaalernissaannut periaasissamik suliaqartoqarpoq.

Isumaginninnermut Aqutsisoqarfimmi sulineq aamma imannak aaqqissuunneqarpoq illoqarfinni tamani kommunini sulisut aalajangersimasumik siunersioqateqartassallutik. Tamatumani kommunini tamani tapersersuinnerup sunniuteqarnerulernissaa naatsorsuutigineqarpoq.

Isumaginninnermut Aqutsisoqarfik meeqqanut inuusuttunullu suliassaqarfimmi sulianik suliaqarnermik digitalimik ilinniartitsinnermik (e-læring) inerisaanissamut periarfissanik misissuilluni aallartipooq. Digitalimik ilinniartitsineq siullermik sulianik suliaqartunut ilinniarsimanngitsunut suliassaqarfimmi killilimmik misilittagalinnut ilisaritsilluni/tunngaviumik pikkorissaanertut siullertut eqqarsaatigineqarpoq.



Sulianik suliaqarnermi kommunit piginnaasaasa nukittorsarneqarnissaat siunertaralugu najuulluni pikkorissaanernik issiaqateqarlunilu ilinniartitsinerit Isumaginninnermut Aqutsisoqarfimmit sulii ingerlanneqartarniarput.

ESDH-systemi Get Organized / meeqqat pillugit suliaqarnermi app'i atorlugu meeqqat pillugit sulianik suliaqarnermik digitalinngorsaaneq meeqqat pillugit suliat pitsaassusaannik sunniuteqartorujussuunissaa naatsorsuutigineqarpoq. Isumaginninnermut Aqutsisoqarfik suleriaatsinik suliaassallu tulleriaarnissaannut ilitsersuutinik suliaqarsimavoq, inatsisit malillugit sulianik aaqqissuussamik suliaqarnissamat sulianik suliaqartunik ilitsersuisussanik. Get Organized kommunini tamani atulersinneqarsimavoq, naatsorsuutigineqarlunili systemimik atuinermut kommunini sulianik suliaqartut tapersorsorneqartuarnissaat pisariaqartinneqassasoq. Isumaginninnermut Aqutsisoqarfimmit pilersaarutigineqarpoq internetsikkut aalajangersimasumik ilisarititsisoqartassasoq kommunimi sulisut tamarmik systemimik atuisinnaanissaat qulakkeerniarlugu. Suliani aalajangersimasuni siunnersuinerimut ilitsersuinerimullu atatillugu akimmiffeqarsinnaavoq kommunini pineqartuni Get Organized Isumaginninnermut Aqutsisoqarfimmi sulisunit avataanit isersinnaatinneqanngippata.

Inussiarnersumik inuulluaqqusillunga

Aqqaluaq B. Egede